

- 1<sup>r</sup> Vil abergloub man yetz erdicht
- 2<sup>r</sup> Was künfftig man an sternen sycht
- 3<sup>r</sup> Eyn yeder narr sich dar vff richt



### von achtung des gstirns

- 1 Der ist eyn narr der me verheißt
- 2 Dann er jn sym vermögen weißt
- 3 Oder dann er zû tûn hat mü̃t
- 4 Verheissen ist den artzet gû̃t

---

4 artzet *GW5046 GW5047* ] ärzten *GW5041*

5 Aber eyn narr verheißt eyn tag  
 6 Me / dann all welt geleysten mag /  
 7 Vff künfftig ding man yetz vast lendt  
 8 Was das gestyrn vnd firmament  
 9 Vnd der *planeten* louff vnß sag  
 10 Oder gott jnn sym rott anschlag  
 11 Vnd meynent / das man wissen soll  
 12 Als das gott mit vnß würcken wöll  
 13 Als ob das gstyrn eyn notdurfft bring  
 14 Vnd jm noch müßten gan all ding  
 15 Vnd gott nitt herr vnd meyster wer  
 16 Der eyns lycht macht / das ander schwår  
 17 Vnd laßt das vil Saturnus kyndt  
 18 Dannacht gerecht / frumm / heylig syndt  
 19 Dar gegen Sunn / vnd Jupiter  
 20 Hant kynd die nit syndt boßheyt lår  
 21 Eym krysten menschen nit zû stat  
 22 Das er mit heyden kunst vmb gat  
 23 Vnd merck vff der *planeten* louff  
 24 Oder diser tag sy gût zûm kouff /  
 25 Zû buwen / krieg / machung der ee /  
 26 Zû fruntschafft / vnd des glichen me  
 27 All vnser wort / werck / tûn vnd lon  
 28 Vß gott / jnn gott / alleyn soll gon  
 29 Dar vmb gloubt der nit recht jnn gott /  
 30 Der vff das gstyrn solch glouben hat  
 31 Das eyn stund / monet / tag vnd jor  
 32 So glücklich sy / das man dar vor  
 33 Vnd nach / sol groß anfohen nüt  
 34 Wann es nit gschicht die selbe zyt

12'

1 ij

---

9 *planeten* ] *planete* n *GW5046* 24 Oder *GW5046* *GW5047* ] Ob *GW5041*

35 Das es dann nym geschehen mag  
 36 Dann es sy eyn verworffen tag /  
 37 Vnd wer nit ettwas nüwes hat  
 38 Vnd vmb das nüw jor syngen gat /  
 39 Vnd gryn tann riß steckt jn syn huß  
 40 Der meynt er leb das jor nit vß  
 41 Als die Egyptier hielten vor /  
 42 Des glichen zů dem nuwen jor  
 43 Wem man nit ettwas schencken dūt  
 44 Der meynt das gantz jor werd nit gūt /  
 45 Vnd des glich vngloub allerley  
 46 Mit worsagen / vnd vogelgschrey  
 47 Mitt character / sägen / treüerbüch  
 48 Vnd das man by dem monschyn sůch  
 49 Oder der schwartzen kunst noch stell  
 50 Nüt ist das man nit wissen well  
 51 So yeder schwūr / es fält jm nit  
 52 So fält es vmb eyn buren schritt  
 53 Nitt das der sternen louff alleyn  
 54 Sie sagen / jo eyn yedes kleyn  
 55 Vnd aller mynst jm fliegen hirn  
 56 Will man yetz sagen vsß dem gestirn  
 57 Vnd was man reden / rotten werd /  
 58 Wie der werd glück han / was geberd /  
 59 Was willen / zů fall der kranckheit  
 60 Fräuelich man vß dem gstirn yetz seit /  
 61 Jnn narrheyt ist all welt ertoubt  
 62 Eym yeden narren man yetz gloubt  
 63 Vil practick vnd wissagend kunst  
 64 Gatt yetz vast vß der trucker gunst

65 Die druckent alles das man bringt  
 66 Was man von schanden sagt vnd singt  
 67 Das gatt nūn als on stroff do hyn  
 68 Die welt die will betrogen syn /  
 69 Wann man solch kunst yetz trib vnd lert  
 70 Vnd das nit jnn vil boßheit kert  
 71 Oder sunst brächt schad der sel /  
 72 Als Moyses kund vnd Daniel /  
 73 So wer es nit eyn böße kunst  
 74 Jo wer sie würdig rüms vnd gunst /  
 75 Aber man wissagt mir / das vieh sterb  
 76 Oder wie korn vnd wyn verderb  
 77 Oder wann es schnyg oder reg  
 78 Wann es schön sy / der wynt weg  
 79 Buren frogen noch solcher gschrift  
 80 Dann es jn zū gewynn antrifft  
 81 Das sie korn / hyndersich vnd wyn  
 82 Haltten / biß es werd durer syn /  
 83 Do Abraham laß solche bûch  
 84 Vnd jn Chaldea sternen sūcht  
 85 Was er der gsieht vnd trostes an  
 86 Die jm gott sandt jn Chanaan /  
 87 Dann es ist eyn lychtferikeyt  
 88 Wo man von solchen dingen seitt  
 89 Als ob man gott wolt zwyngen mitt  
 90 Das es müst syn / vnd anders nitt  
 91 Gotts lieb verloschen ist vnd gunst  
 92 Des sūcht man yetz des tūfels kunst  
 93 Do Saul der künig was verlan  
 94 Von gott / rufft er den tūfel an

l ij

---

71 sunst *GW5046 GW5047* ] das funst *GW5041*